

Euskarazko Lanbide Heziketan dagoen eskaintza urria salatu dute Gasteizen

Mendizabalan bildu dira, Euskal Irakaskuntzaren Aldeko Ekimenak deituta

Erredakzioa / Gasteiz

◀ Berrogei lagun inguru bildu ziren atzo goizeko 07:30ak aldera Gasteizko Mendizabala zentroaren aurrean, euskarazko Lanbide Heziketa eskatzeko. Euskal Herri osoan «egoera larria» dela salatu, eta Araban inongo eskaintzarik ez dagoela ohartarazi zuten, ez publikorik ez pribaturik.

EUSKAL Irakaskuntzaren aldeko Ekimenak guraso, irakasle eta ikasle talde bat bildu zuen atzo, euskaldunek Lanbide Heziketan (LH) pairatzen duten «bazterketa» jendaurrean gaitzetsi nahian.

Bildutakoek Lanbide Heziketa euskaldunaren aldeko idatzia banatu zuten. Testu horren arabera, D ereduak LHn du hutsunerik gogorre-na: Gipuzkoan 33 zikloko eskaintza egin da D ereduan, eta A ereduan, berriz, 125ekoa; Bizkaian, berriz, 40 Dn eta 160 An.

Baina hori «larria» izanik, egoera Araban, Nafarroan eta Iparraldean are kezagarriagoa dela salatu dute: «Arabian ez dago inongo euskarazko eskaintzarik, ez zentruo publikoetan, ezta pribatuetan ere».

Gauzak horrela, Arabako euskaltzale talde horrek salatu du «haustura» gertatzen ari dela euskarazko hezkuntza prozesuan, lehedabiziko zikloetan euskalduna bada ere,



JOSEBA OLALDE

Euskal Lanbide Heziketa eskatu zuten lagunak, kartel handi baten atzean.

Lanbide Heziketak ikasle euskaldunen bidea eten egiten duelako.

Lan munduko hizkuntz egoera baldintzaturik

Atzo, eten horren garrantziaz ohartarazi zuten, Lanbide Hezkuntza erdaldunak lan munduan indarrean ezarriko diren harremanen hizkuntz egoera baldintzatuko baitu.

Ekimenaren arabera, badi-ra bitartekoak euskarazko eskaintza egiteko, eta adibidez, irakasle euskaldunak badaudela dio «aitzakiarik ez» dela argudiatzeko.

SHEEko ikasleak ere borrokan

■ SOIN Hezkuntzako Euskal Erakundeko (SHEE) ikasleak ere borrokan dabilta, eta protesta ekitaldiak Eusko Jaurlaritzak Lakuan (Gasteiz) duen egoitza nagusiraino eramane zituzten atzo eguerdian.

Ikasleen Asanbladak lau aldarrikapen nagusi plazaratu ditu, eta, lehenengo eta behin, irakaslerik eza salatu dute: «Lau irakasle falta zaizkigu, eta

gainera, ikasketak euskaraz egin ezinik jarraitzen dugu».

Beste alde batetik, aldarrikapen gehiago ere plazaratu dituzte SHEEko ikasleek. Moldaketa pedagogikoari buruzko ikastaroa egin behar izatea gaitzetsi dute, kirol titulazioak federazioetan onartzea exijitu dute eta ikasleengan lan-esparruaren behinbetiko erregulazioa erreklamatu dute.

Laura Orueren aferako sumarioak sekretu izaten jarraitzen duenetz gaur jakingo da

■ Ez bada publiko egiten, beste hilabetez luzatuko da

Agentziak / Bilbo

◀ IRUNE FERNANDEZ Bilboko Instrukzioko 8. Epaitetikiko titularrak gaur erabakiko du Laura Orue neska gaztearen heriotzaren auzian hilabetez gorde duen sumarioaren sekretua ezabatu edo ez.

Irailaren 5ean Laura Oruen Zeberio (Bizkaia) neska gaztea bere baserri inguruko pinudi batean lurperatuta aurkitu zen momentutik ezarri zuen sumario sekretutasuna.

Daturik ez da jakin oraindik

Bilboko aipatu epaitetikoko epaileak sekretutasun horretan oinarritu dira auziaren inguruko datuak ez zabaltzeko. Horrela, gaur argitu litezke ikerketaren nondik norakoak, baldin eta sumario sekretutasuna baliogabetzen bada. Hala ez bada, beste hilabetez gordeko da ikerketari buruzko informazio guztia.

Sumario sekretutasuna baliogabetzen denerako, Laura Orueren sendiak abokatua badu akusazio bezala aritzeko, baina ez du bere izenik publiko egin nahi. Zeberio Udalak ere, bere aldetik, abokatua izendatuko du epaitketan akusazio partikular gisan aritzeko.

Kalean da 'Historia de una pancarta' liburua

■ EHUko irakasle kaleratuen borrokaren «balantze politikoa» da

G. Agirre / Bilbo

◀ IRAKASLE kaleratuek *Historia de una pancarta* liburua kaleratu dute, Arabera argitaletxearekin. Liburua azken zortzi urteetan izan duten «gatazkaren testigantza gordina» dela adierazi zuten atzo egileek.

Jose Luis Herrero irakasle kaleratuaren arabera, «historia eta pentsamendu politiko liburu bat da. Unibertsitatearen historiaren eta gure borrokaren balantze politiko bat da».

Era berean, pertsonaien liburu bat ere badela azaldu zuen, «historia politika orok funtsezko protagonistak» dituelako. Beraien auzia «Euskal Herrian gertatzen ari den kasu paradigmaticoa» dela azaldu zuen Jose Ramon Etxebarria irakasleak: «Guri gertatzen zaizkigun pertsonaiak, egoerak, gora-beherak errepikatzen dira beste borroketan». Liburua herritarrentzako egin dagoela eta «oso ondo dokumentatua» dagoela nabarmendu zuen.



MIKEL MARTINEZ

Irakasle kaleratuek idatziriko liburuaren hainbat ale, eta, atzean, haien aldarrikapena kartel batean idatzita.